

**UPRAVA DRUŠTVA**

Broj: U.D.01.3.2.-2517/19  
Sarajevo, 06.02.2019. godine

Na osnovu člana 45. Statuta, člana 69. stav (2) pod d) i člana 70. stav (4) Zakona o javnim nabavkama BiH ("Službeni glasnik BiH" broj: 39/14), člana 14. stav (2) Pravilnika o javnim nabavkama i preporuke Komisije za nabavku usluge održavanja printera za štampu (oce variostream 7450 c) na **beskonačnim predštampanim obrascima na dvogodišnjem nivou**, broj: 07.4-13.73-15767-29/18, od 25.01.2019. godine, Uprava Društva na 193. elektronskoj sjednici održanoj dana 06.02.2019. godine, d o n o s i:

**ODLUKU  
O PONIŠTENJU POSTUPKA NABAVKE****I**

Ovom Odlukom vrši se poništenje postupka nabavke usluge održavanja printera za štampu (oce variostream 7450 c) na **beskonačnim predštampanim obrascima na dvogodišnjem nivou**, iz razloga što nijedna od primljenih ponuda nije prihvatljiva.

**II**

Ova odluka stupa na snagu danom donošenja.

**OBRAZLOŽENJE**

Na osnovu Odluke o pokretanju postupka javne nabavke usluge održavanja printera za štampu (oce variostream 7450 c) na beskonačnim predštampanim obrascima na dvogodišnjem nivou, broj: U.D-01-3.2-16053/18, od 23.10.2018. godine i Rješenja o imenovanju Komisije: 01-13.73-15767-2/18, od 29.10.2018. godine, kao i saglasnosti Generalnog direktora na tendersku dokumentaciju, proveden je ponovni postupak javne nabavke usluge održavanja printera za štampu (oce variostream 7450 c) na beskonačnim predštampanim obrascima na dvogodišnjem nivou, putem otvorenog postupka nabavke, sa objavljivanjem Obavještenja o nabavci na Portalu JN, broj: 238-1-2-768-3-177/18, od 08.11.2018. godine i Ispravke obavještenja, broj: 238-1-2-870-3-193/18, od 20.12.2018. godine.

Komisija je prije samog otvaranja ponuda konstatovala sljedeće:

- Da je do datuma naznačenog za preuzimanje tenderskih dokumentacija preuzeto je ukupno 5 (pet) tenderskih dokumentacija
- Da je do roka određenog za dostavu ponuda, pristigla 1 (jedna) ponuda
- da su koverta neoštećene, uredno zapakovane i zapečaćene
- da je na kovertu stavljen redni broj prema kojem se utvrđuje redoslijed otvaranja i čitanja ponuda, prema vremenu dostavljanja na Protokol.

Komisija je prilikom otvaranja ponuda javno saopštila podatke o nazivu i sjedištu ponuđača, ukupnu cijenu ponude i eventualni popust, ne praveći tom prilikom uvid u sadržaj i validnost dostavljene dokumentacije.

Na Protokol Društva do roka određenog za prijem ponuda (22.01.11.2018. godine do 10,00 sati), pristigla je ponuda sljedećeg ponuđača:

„COMTRADE DISTRIBUTION“ d.o.o. Sarajevo

Komisija je, nakon završenog otvaranja ponuda, pristupila analizi i utvrđivanju validnosti prispjelih ponuda, te konstatovala sledeće:



1. da ponuda ponuđača „COMTRADE DISTRIBUTION“ d.o.o. Sarajevo u iznosu od 235.200,00 KM bez PDV-a ne ispunjava uslove propisane tenderskom dokumentacijom i to:

- Ponuda, broj: PP19+101-2019, od 11.01.2019. godine, **nije numerisana**, kako je to propisano tačkom 8.1.4. tenderske dokumentacije, u kojoj je propisano „Sve strane ponude moraju biti numerisane na način da je vidljiv redni broj stranice ili lista, u skladu sa članom 8. stav (6) i (7) Uputstva za pripremu modela tenderske dokumentacije i ponude. Ako ponuda sadrži štampanu literaturu, brošure, kataloge i sl. koji imaju izvorno numerisane brojeve, onda se ti dijelovi ponude ne moraju dodatno numerisati;

- **Prijedlog okvirnog sporazuma**, koji je sastavni dio ponude, **nije potpisan i ovjeren**, kako je to propisano tačkom 8.2.1. pod d) tenderske dokumentacije, kojom je propisano "Potpisan i ovjeren Nacrtni Okvirnog sporazuma/Ugovora – koji je sastavni dio tenderske dokumentacije, kako je dato u Aneksu 5. tenderske dokumentacije,";

- **Izjava o ispunjavanju uslova iz člana 45.** Zakona o javnim nabavkama priložena je **nepopunjena, nepotpisana i neovjerena**, tj. priložen je urnek Izjave iz tenderske dokumentacije, a ne Izjava, na način kako je to zahtijevao ugovorni organ tačkom 7.1.2. "U svrhu ispunjavanja uslova iz prethodne tačke ponuđači trebaju dostaviti Izjavu ovjerenu kod nadležnog organa (organ uprave ili notar) da se na njih ne odnose slučajevi definisani tačkom 7.1.1. od a) do d) tenderske dokumentacije. Izjava se dostavlja u formi utvrđenoj Aneksom 6. tenderske dokumentacije";

- **Izjava o ispunjavanju uslova iz člana 52.** Zakona o javnim nabavkama priložena je **nepopunjena, nepotpisana i neovjerena**, tj. priložen je urnek Izjave iz tenderske dokumentacije, a ne Izjava, na način kako je to zahtijevao ugovorni organ tačkom 7.5.1. "Ponuđač je dužan **uz ponudu dostaviti i posebnu pismenu Izjavu** da nije nudio mito niti učestvovao u bilo kakvim radnjama čiji je cilj korupcija u javnoj nabavci. **Izjava je prilog tenderskoj dokumentaciji (Aneks 7.)**" I 8.2.1. pod e) "izjava o sukobu interesa iz člana 52. Zakona o javnim nabavkama, kako je traženo tačkom 7.5 (Aneks 7.) - **Ovjerava nadležni organ (općina, sud, notar...)**"

- **Nije dostavljena garancija za ozbiljnost** ponude, kako je zahtijevano tačkom 11. Tenderske dokumentacije, gdje je jasno propisano " Da bi učestvovali u postupku javne nabavke ponuđači trebaju dostaviti u originalu **bezuslovnu bankarsku garanciju** za ozbiljnost ponude (u daljem tekstu: garancija za ponudu). Iznos tražene garancije za ponudu je 2.000,00 KM (slovima: dvijehiljade konvertibilnih maraka) i mora važiti u čitavom periodu opcije ponude.

Garancija se ne smije bušiti radi ulaganja uz ponudu već treba biti dostavljena na sljedeći način:

- originalna bankarska garancija se pakuje u zatvorenu plastičnu foliju koja se na vrhu zatvori naljepnicom na koju se stavlja pečat ponuđača ili se otvor na foliji zatvori jemstvenikom, a na mjesto vezivanja zalijepi naljepnica i otisne pečat ponuđača;

- plastična folija u kojoj je originalna bankarska garancija mora biti označena rednim brojem stranice ili lista, kao i ostale stranice ili listovi ponude i kao takva čini sastavni dio ponude.

- Garancija za ponudu se dostavlja u formi koja je sastavni dio tenderske dokumentacije kao Aneks 9. Ukoliko uslov za dostavljanje garancije ne bude ispunjen, ponuda će biti odbijena. Ako ponudu dostavlja grupa ponuđača, garancija se dostavlja u traženom iznosu, bez obzira da li ju dostavlja jedan član, više ili svi članovi grupe ponuđača.

- Postupanje sa garancijom za ponudu vršit će se u skladu sa odredbama *Pravilnika o obliku garancije za ozbiljnost ponude i izvršenje Ugovora.* („Službeni glasnik BiH”, broj: 90/14).“

**-U sastavu ponude, ponuđač je dostavio samo prazan urnek za garanciju za ozbiljnost ponude iz tenderske dokumentacije, a ne i garanciju kako je to zahtijevano tenderskom dokumentacijom.**

-U svrhu ispunjavanja uslova iz tačke 7.3.1. ponuđač je dostavio samo **Potvrdu o uspješnoj realizaciji** ugovora, koja ne glasi na traženi iznos. Ugovorni organ je zahtijevao potvrdu na iznos od 100.000,00 KM, a ponuđač je dostavio Potvrdu na iznos od 93.600,00 KM, što znači da ni ovaj uslov iz tenderske dokumentacije **nije zadovoljen.**

